

*ალექსანდრე მღებრიშვილი*

ივანე  
მაჩაბელი

*ალექსანდრე მღებრიშვილი*

ივანე  
მაჩაბელი



ალექსანდრე მღებრიშვილი

# ივანე მაჩაბელი

(ცხინვალის ქართული

პერიოდიკის მიხედვით)

გარდაცვალებიდან 100

წლისთავისადმი მიძღვნილი

საიუბილეო გამოცემა

გორი

1998

ამ პატივსაცემი წიგნის ავტორის, ისევე როგორც მრავალ ქართველს, თავისებური ბუნა ანოვნა ქართველობით აღსაყვამ აწმყომ იგი მუცხრო კლასის მისწავლე იყო, რაცდ თხუთ-ქართული კახელიქმის ვამი მისი თვანი იძლეებოდა ვანდა დაქტოყებმა შმობლორნი ქლოაქი ცნისყალი, ალოქსანდრო მლორნიშყლის დლოლოთში - კანში მოუწია სკოლის დამთავრებამ, შემდეგ ცნისყალის სასკოლშიყო პედაგოგორნი ინსტიტუტის (გარნი) ისტორია-ფლოლოგიის ფაკულტეტზე ვანგონი სწავლა.

ავტორის შესწორებამი მუცმიყად ცოცხლოდებოდა მოგონებები ბავშვიბის ქლოაქზე ვანეთ „სადქითა თხუთის“ რედაქციაზე სდავკ დეკანბისი მუცმიყად და სდავკ მას სწოროდ უწყყად ყოფხა ამ ვინობამ მიიყვანა იგი ილობდო დობდა შეესწავლო აღნიშნოლი ვანეთი. ეს აზრი მას უფრო ვანუტყვად ცნისყალის სასკოლშიყო პედაგოგორნი ინსტიტუტის დლოკტ ავთანდოლო ცოტხნიშყლის მხარში დგომამ და სკოლმეყყობამ და, ან ანალოგანრდა კაცო საქართოყელოს პარლოამქმის ერთყვოლო ბობლოთოყამი მოუყად დრო-ყამისგან ვდაყყოთოლოდო ვაცროვლო დორკოლებს იგი მიძიებოლო მასკოებს პეოთადოლოდა აქყეპრდა ვანუთებზე დია ქართლი“, „ცნისყალი“, „ლოტყორატყორული ცნისყალი“. მითში წარმოჩინებოლი იყო ამ კეთის წარსოლო - ეს იყო ლოტყორატყორის სკოლოებების კოლოტყორის თუ სნეა სფორი, ვანუთზე დარკებოლამ მუცმიამ იძლედა დართო სასიბოთი დართო, რომ ალოქსანდრო მლორნიშყალი დლოეს წარმოგოვობდა, როგორც ცნისყალის ქართოლო პეოთადოლო ვამოკებმის მკლოყვარნი. ამ თებამ მიიყვანა შითა რუსთავლოის სასკოლობის ლოტყორატყორის ინსტიტუტის ფლოლოგიის მუცხროებოთა კანდაატმის სამეცნიოთი ხარისხის მამებლობამდო, პარლოლოროდა იგი მუცმიამბს საქართოყელოს შყორალოთა კავშირის ცნისყალის რეგოინბლოური ვანუთელოების ვანუთში „ლოტყორატყორული ცნისყალი“. არის საქართოყელოს უწინბოლისტო ფედაქციაის წყყრა.

ანალოგანრდა მუცხროებამ საინსტოროსი პუბლოკაციები უძლონა ივანე მანბლოის ცნისყობას და მიდოგწყობას დია ქართოლო მამლონიშყლის ვარდაკვლოების 100 წლისთოყობს დაკავშირობით ვანხდა სოროყოლი მითი წიგნად ვამოკებმისა, ავტორიმბ სანრობი ანალი მასკოლებით შოკესო და დლოეს იგი თქყენს წინაშე.

ვანაგებამ ანალოგანრდა მუცხროების მლოლოგონებოც, მავრამ მთოგონი ასა, რომ ამ წიგნის შექმნას დია სოყგონოლი უძლოდა წის. ავტორი ცდოლობს შეყენოს თამბონაშნოლი გეოსოსის მრავლობშიყო მადგაწყობის ყელო სფოროს, რადგან „მუცხროამეტე საოუენის მყორო სანყონის ქართოლო სინამდგოდეში არ ყოფილო რამე დონისოლო საქმე, რომლოშოც წყენს თანამემამოლოეს აქტორონი მონაწილოებამ არ მიეღოს.“

თუ როგორ შესძლო მან ჩინბფიქრის ვანსოროციოლებამ, მკოთხელოდამ ვანსაჯოს.

რ ე დ ა ქ ტ ი რ ი - ნაწი ნაწაშრი  
საქართოყელოს შყორალოთა კავშირის ცნისყალის  
რეგოინბლოური თინგანსაჯოის პასუნისმეგებოლი მდოყანა



# ივ. მაჩაბელი და ცხინვალის ქართული გაზეთი თეატრალური ცხოვრების შესახებ

თეატრალურ ცხოვრებას საქართველოში საკმაოდ დიდი ხნის უმდიდრესი ისტორია აქვს. საერთოდ, XIX საუკუნეში ამ სფეროს მეტი გამოცოცხლება დაეცყო. განსაკუთრებით მინდა აღვნიშნო ერთობ სასიამოვნო ფაქტი იმის თაობაზე, რომ XIX ს. I ნახევრის სამაჩაბლო ერთგვარ თეატრალურ ცენტრდაც კი იქნა აღიარებული. საქართველოს ამ ძირძველ კუთხეში ხშირად იმართებოდა წარმოდგენები, რაზედაც მინდა დავიმოწმო 1995 წლის დეკემბრის გაზეთი „ლიტერატურული საქართველო“, რომლის ფურცლებზეც გამოქვეყნებულია შესანიშნავი ქართველი მწერლის და მთარგმნელის, ვახტანგ ჭელიძის წერილი სახელწოდებით „სოფელი ქართლის გულში“, მიძღვნილი ოთარ ჩხეიძის 70 წლის თავის იუბილესთან დაკავშირებით.

„XIX საუკუნის პირველ ნახევარში ცხინვალი ამ მხარის ერთგვარი თეატრალური ცენტრიც გახდა. იმ დროინდელი გაზეთების ფურცლები რომ გადავათვალიეროთ, ხშირად შევხვდებით ქრონიკებს ამა და ამ დღეს ცხინვალში ქართული

წარმოდგენა გაიმართებაო. დიდი სიხარულის მომ-  
ტანი იყო ეს წარმოდგენები თვით ქალაქისთვისაც  
და ახლომახლო სოფლებისთვისაც.

საგაზეთო განცხადებებსა თუ აფიშებზე, რო-  
გორც იმ ძველ, კეთილ დღეებში იცოდნენ ხოლმე,  
ჩამოთვლილი იყო წარმოდგენაში მონაწილე  
მსახიობთა გვარები - ჯერ უსათუოდ მანდილოსნები  
და მერე მამაკაცები! ანუ როგორც მაშინ წერდნენ,  
ჯერ ქალნი და მერე ვაჟნი. წარმოდგენები  
უმთავრესად მაჩაბლის თაოსნობით იმართებოდა  
და, რაღა თქმა უნდა მათივე მონაწილეობით. ერთ  
ქრონიკას მოვიყვან, მკითხველს ალბათ დაინტერე-  
სებს. იგი მოთავსებულია სერგეი მესხის გაზეთ  
დროებაში და დათარიღებულია 1875 წლის აგვის-  
ტოთი.

„ცხინვალი, 31 აგვისტო. ამ ცოტა ხანში გორში  
სამჯერ იყო ქართული წარმოდგენა. ერთი გორში  
და ორიც ცხინვალში... ცხინვალში წარმოადგინეს  
„გაყრა“ გ. ერისთავისა, აგვისტოს 31-1 კვირა დღეს.  
საზოგადოდ წარმოდგენა ისე მშვენივრად წავიდა,  
რომ თვით თბილისშიაც იშვიათია ხოლმე ასე  
კარგად წარმოდგენა. კაცებში უნაკლოდ აღასრუ-  
ლეს თავიანთი როლები ზაალ მაჩაბელმა - პავლეს  
როლი, ივანე მაჩაბელმა - ივანეს როლი, ნატო  
გაბუნიაძე - სეკრეტარის როლი. დანარჩენთაც ური-  
გოდ არ უთამაშნიათ. განსაკუთრებით ქებისა და  
პატივისცემის ღირსნი არიან მოთამაშე ქალები.  
ნინოს და შუშანას როლები აღასრულა ა.



ივანე მაჩაბელი



მაჩაბლისამ, მაკრინესი და თათულასი – ევემია მაჩაბლისამ, ყარდაშვერდისა – ა. ალექსევევისამ. სამივემ თავიანთი როლები კარგად აღასრულეს, მაგრამ უმშვენიერესად, უნაკლოდ და სწორედ არტისტულად აღასრულა თავისი როლი ევემია მაჩაბლისამ... ხალხი იმდენი იყო, რამდენიც დაეტეოდა ზალაში..“

ცხინვალში გამართულ წარმოდგენებს ახლომახლო სოფლებიდანაც ესწრებოდა ხალხი. მოდიოდნენ ცხენებით, ურმითაც კი, წარმოდგენის შემდეგ ღამეს იქვე ახლობლებთან ათევდნენ. გაიშლებოდა სუფრა და, საუბრობდნენ, მღეროდნენ, იღბენდნენ, გარდასულ დროს გაიხსენებდნენ..“

პირველი ქართული თეატრი აღდგა 1850 წელს, რომელმაც სულ რაღაც ოთხიოდე წელი იარსება. ხალხი ოცნებობდა თეატრის გახსნაზე, მაგრამ ეს მაშინ უდიდეს პრობლემებთან იყო დაკავშირებული. მუდმივი ქართული თეატრის დაარსება და თეატრალური საზოგადოების ჩამოყალიბება ხერხდება მხოლოდ 1875 წელს. ფრთები ესხმება ერის საუკეთესო შვილების მრავალწლოვან ოცნებას.

მანამდე კი, ბავშვობიდანვე სცენით გატაცებული, თვითონაც ღრმა მოხუცებულობამდე ქართული თეატრის ტრფიალით მოსულდგმულე ქართული ენის მასწავლებლის, პეტრე უმიკაშვილის ნამოწაფარი ახალგაზრდა ვანო მაჩაბელი თავისი ნიჭითა და შრომისმოყვარეობით პეტერბურგში ბანკის საქმეებზე ჩასული ილიას ყურად-

ლებას დაიმსახურებს. ვანოს ძმის, ვასო მაჩაბლის მეშვეობით შემდეგში მათი ურთიერთობა გულითად მეგობრობაში გადაიზრდება. „პეტერბურგში კი პატარა სტუდენტურ ოთახში მისჯდომიან მაგიდას და შექსპირის ტრაგედიებს ჩაჰკირკიტებენ, რომ ახალ თეატრს, რომლის დაფუძნებასაც დღე-დღეზე მოელის ქართველი საზოგადოება, ახალი შესანიშნავი პიესით შეხვდნენ.“ (ვ. ჭელიძე, „ცხოვრება ივანე მაჩაბლისა“).

ვანო სათავეში უდგება პეტერბურგელ სტუდენტთა წრეს. დაულალავად შრომობს. თარგმნის შექსპირს, მოლიერს, გოლდონს, 1879 წელს პეტერბურგშივე მართავს რამოდენიმე ქართულ წარმოდგენას.

გასული საუკუნის პირველი ნახევრის ქართული თეატრი გამოირჩეოდა რეპერტუარის სილატაკით, ამდენად სავსებით ბუნებრივად უნდა მივიჩნიოთ, რომ თეატრის მესვეურნი ხშირად მიმართავდნენ შექსპირს. ამ თვალსაზრისით უპირველეს ყოვლისა მისათითებელია დიდი ილიასი და ლიახვისპირელი გენიოსის ივანე მაჩაბლის ამაგი, რომელიც დასდეს მათ ქართული თეატრალური ხელოვნების აღორძინება განვითარებას. როგორც ნ. ყიასაშვილი მიუთითებს: შეცდომა იქნებოდა გვეფიქრა, რომ ილია ჭავჭავაძის და, განსაკუთრებით ივანე მაჩაბლის, როგორც ძირითადი მთარგმნელის როლი მხოლოდ და მხოლოდ შესპირის ტექსტის გადმოქართულებით ამოიწურებოდა. „მეფე ლირის“, „ჰ

ამლეთის“, „ოტელოს“ თუ „მაკბეთის“ ქართული თარგმანები, ამავე დროს, შექსპირის თავისებურ, ღრმა ინტერპრეტაციას წარმოადგენენ. ილიასა და ივანე მაჩაბელს შესანიშნავად ესმოდათ შექსპირის შემოქმედების არა მარტო მხატვრულ-ესთეტიკური სრულფასოვნება, არამედ მისი დიდი, ღრმად ჰუმანისტური მსოფლმხედველობრივი საფუძვლებიც. სწორედ შექსპირისადმი ამ მსოფლმხედველობრივ-ესთეტიკურმა ნათესაობამ შვა როგორც ბრწყინვალე თარგმანები, ისევე შესანიშნავი ქართული შექსპირული თეატრიც.

1888 წელს ცალკე წიგნად გამოდის „ოტელოს“ თარგმანი, რომელსაც უდიდესი შეფასება მისცა გაზეთ „ივერიაში“ დაბეჭდილი წერილით ალ. სარაჯიშვილმა.

„ბ-ნი მაჩაბელი შეუდგა უდიდესი პოეტის ნაწარმოებთა თარგმნას პირდაპირ ინგლისურის ენიდან. წელს დაბეჭდა „ჰამლეტი“ და „ოტელო“ შექსპირისა.. მაჩაბლის შრომა პირველი ნაბიჯია სისტემატიურის და შეუწყვეტელის თარგმანებისა და, უნდა ვთქვათ, სწორე ნაბიჯიც, რადგანაც თარგმანი კარგის ენით არის შესრულებული.“ („ივ.მაჩაბელი“ ვ.ჭელიძე გვ.236).

გადაუჭარბებლად შეიძლება ითქვას, რომ მაჩაბლისეული ქართულით აჟღერებული თარგმანები სწორუპოვარი გახლდათ. ნათქვამის კიდევ ერთხელ დასადასტურებლად ზემოთ დასახელებული ფაქტების გვერდით კიდევ ერთი შესანიშნავი

ფაქტის გამოხმობა გვსურს. ოლივერ უორდროპი მაჩაბლისადმი გამოგზავნილ ბარათში წერს:

„... თქვენს მიერ თარგმნილ „იულიოს კეისრით“ შეგიძლიათ იამაყოთ. ეს თქვენს გენიალობასაც ამტკიცებს და თქვენი ენის საოცარ სიმდიდრესაც. მე ხელთა მაქვს ამავე პიესის ახალი ფრანგული, გერმანული, რუსული, ბულგარული გამოცემები, მაგრამ თქვენს თარგმანს ვერცერთი ვერ შეედრება. თქვენ ისეთი საქმე გააკეთეთ, რომ, თუ თანამედროვეები ვერ გაფასებენ სათანადოდ, შთამომავლობა დაგაფასებთ და თაყვანსა გცემთ.“

უდიდესი დამსახურება მაჩაბლისა სწორედ ის არის, რომ მან შესძლო მოენახა ყველა ნაწარმოების გასაღები, ჩასწვდომოდა ორიგინალის სიღრმესა და დედააზრს, წერდა, თარგმნიდა, ებრძოდა დიდი გენიოსის ჯადოსნურ სტრიქონებს.

სწორედ ასეთი ტრიუმფალური სვლით შეეგება სამაჩაბლოს ქართული სასცენო ცხოვრება XX საუკუნის პირველ ათწლეულებს. ცნობილი მიზეზების გამო ცხინვალში 30-იანი წლებიდან გამოდიოდა ერთადერთი ქართული გაზეთი „საბჭოთა ოსეთი“. თამამად შეიძლება ითქვას, რომ მასში სისტემატიურად იბეჭდებოდა ლიტერატურისა და ხელოვნების სფეროში მომხდარი მეცნიერული თუ კულტურული ძვრების შესახებ.

ასე მაგალითად, 1936 წ. (7იანვარს) ფართო ადგილი ეთმობა მასალებს ცხინვალის სახ. თეატრის რეპერტუარის შესახებ. ამჯერად საუბარი

ეხება რეჟისორ ვ. მურდულიას თაოსნობით გამართულ შ.კვარკინის პიესას „ვისია?“ წერილის ავტორები ალ. ზასსეთი და ჟ. ზიგოთი აღნიშნავენ: „პიესა „ვისია?“ ჩატარდა წარმატებით. ახალგაზრდა კოლექტივმა უეჭველად დასძლია პიესა. ყველანი ერთსულოვნად და მოხდენილად ასრულებდნენ თავიანთ როლებს, რაც მაყურებლებზე განსაკუთრებულ შთაბეჭდილებას ტოვებდა...“

იმავე წლის 1 ივლისის ნომერში ნათქვამია: „20 ივნისს ქ. სტალინირის სახ. თეატრში დაიწყო საქ. ღარიბკომის დრამსტუდიის გასტროლები. მათ წარმოადგინეს დრამა „მუნჯები ალაპარაკდნენ“.

სცენარის ავტორი გახლავთ გერცელ ბააზოვი, დამდგმელი რეჟისორი გ. სულიაშვილი, მხატვარი თამარ აბაკელია.

იგივე წერილიდან ვიგებთ, რომ დიდი წარმატებით დაიდგა მათივე პიესები „გაგრძელება იქნება“ და „ახასიალოლას ნანგრევებზე“.

სტალინირის სახელმწიფო თეატრში გამართულ წარმოდგენაზე მოგვითხრობს 1937 წლის 30 ივლისის გაზეთიც, სადაც აღნიშნულია, რომ დაიდგა პიესა „პლატონ კრეჩეტი“. დადგმა ვ. მურდულიასი, მხატვრული გაფორმება ც. გაზდანოვისა.

პიესა (ა. კორნეიჩუკისა) წარმოადგენს დრამატურგიის უძვირფასეს ნიმუშს. მასში ბრწყინვალედაა გადაჭრილი ჰუმანიზმის პრობლემა, რაც გულისხმობს ზრუნვას ადამიანზე. მთელი მისი

ნიჭისა და უნარის გაშლაზე.

სტალინირში ეს პიესა 1935-36 წლების სეზონში წარმატებით დაიდგა ოსურ ენაზეც.

სტატიის დასასრულს ადგილი ეთმობა ავტორის (ჟორა ძიგოევი) მცირე რეცენზიას.

ვფურცლავთ ამ მრავალნაჭირნახულები გაზეთის ძველისძველ, დროისაგან გაყვითლებულ ფურცლებს და გაზეთის მხედველობის არეში კვლავ თეატრალური ცხოვრებაა; (1940 წ. 5-6 სექტემბერი). ამჯერად საგაზეთო მასალა ეხება კ. ხეთაგუროვის სახელობის სახელმწიფო დრამატული თეატრის გასტროლებს თბილისში. თეატრის კოლექტივი მაყურებლის წინაშე წარსდგა ორი სპექტაკლით „ზინგი“ და „დუნია“. კოლექტივს ა. გუკაევა, ლ. ჯიჯოევა, ნ. ჩაბიევა, ა. მაგაკევი, ძ. ძახოვი, ვ. ქაიროვი და სხვ. დიდი სიყვარულითა და პასუხისმგებლობით უმუშავია და მოწონებაც დაუმსახურებია.

თეატრის გასტროლებზეა საუბარი 1936 წლის 24 ივლისის ნომერშიც. ამჯერად ჩრდილოეთ ოსეთის სახელმწიფო თეატრს მასპინძლობს სამხრეთ-ოსეთის სახელმწიფო თეატრი. საგასტროლო რეპერტუარში შედიოდა პიესები: ვ. გოლდონის „ცრუ“, ო. ბალზაკის „პამელია ჟირო“, მოლიერის „მფრინავი ექიმი“. 26-27-ში დაიდგა „პლატონ კრეჩეტი“. ხოლო 28-29-ში „გაქცევა“, რითაც გასტროლები დასრულდა. დასი ჩამოსული იყო 40 კაცის შემადგენლობით. ხელმძღვანელი გახლდათ რეჟისორი

ნიჭისა და უნარის გაშლაზე.

სტალინირში ეს პიესა 1935-36 წლების სეზონში წარმატებით დაიდგა ოსურ ენაზეც.

სტატიის დასასრულს ადგილი ეთმობა ავტორის (ჟორა ძიგოევი) მცირე რეცენზიას.

ვფურცლავთ ამ მრავალნაჭირნახულები გაზეთის ძველისძველ, დროისაგან გაყვითლებულ ფურცლებს და გაზეთის მხედველობის არეში კვლავ თეატრალური ცხოვრებაა; (1940 წ. 5-6 სექტემბერი). ამჯერად საგაზეთო მასალა ეხება კ. ხეთაგუროვის სახელობის სახელმწიფო დრამატული თეატრის გასტროლებს თბილისში. თეატრის კოლექტივი მაყურებლის წინაშე წარსდგა ორი სპექტაკლით „ზინგი“ და „დუნია“. კოლექტივს ა. გუკაევა, ლ. ჯიჯოევა, ნ. ჩაბიევა, ა. მაგაკაევი, ძ. ძახოვი, ვ. ქაიროვი და სხვ. დიდი სიყვარულითა და პასუხისმგებლობით უმუშავია და მოწონებაც დაუმსახურებია.

თეატრის გასტროლებზეა საუბარი 1936 წლის 24 ივლისის ნომერშიც. ამჯერად ჩრდილოეთ ოსეთის სახელმწიფო თეატრს მასპინძლობს სამხრეთ-ოსეთის სახელმწიფო თეატრი. საგასტროლო რეპერტუარში შედიოდა პიესები: ვ. გოლდონის „ცრუ“, ო. ბალზაკის „პამელია ჟირო“, მოლიერის „მფრინავი ექიმი“. 26-27-ში დაიდგა „პლატონ კრეჩეტი“. ხოლო 28-29-ში „გაქცევა“, რითაც გასტროლები დასრულდა. დასი ჩამოსული იყო 40 კაცის შემადგენლობით. ხელმძღვანელი გახლდათ რეჟისორი

ელენა მარკოვა, ხოლო დირექტორი კი ყამბულათ სილბიევი. სპექტაკლები მიდიოდა დიდი წარმატებით და აუარებელი ხალხი ესწრებოდა.

საერთოდ 1939 წლის გაზეთი გამოირჩევა მასალების სიუხვით, რომლებიც ზედმიწევნით ასახავს ამ პერიოდის თეატრალური ცხოვრების მაჯისცემას. ერთობ სასიამოვნოა იმ ფაქტის აღნიშვნაც, რომ „საბჭოთა ოსეთს“ მხედველობიდან არ რჩება რესპუბლიკის სახალხო არტისტის შალვა დადიანის საიუბილეო თარიღი სამწერლო-საზოგადოებრივი მოღვაწეობის 45 წელი. იქვე ნათქვამია: „ამ თარიღთან დაკავშირებით შექმნილია საიუბილეო კომისია რესპუბლიკის სახალხო განათლების კომისრის გ. კიკნაძის თავმჯდომარეობით და ეს ღონისძიება ჩატარდება 31 იანვარს თბილისში ზ. ფალიაშვილის სახელობის სახელმწიფო ოპერისა და ბალეტის თეატრში.“

სტატიის ავტორი, პროფ. შ.გოზალიშვილი, აღნიშნავს, რომ შ. დადიანს დიდი დამსახურება მიუძღვის ქართული თეატრის ჩამოყალიბებისა და განვითარების საქმეში. მან თავისი მოღვაწეობის მანძილზე დადგა 105 პიესა, შეასრულა 200-მდე სხვადასხვა სახის როლი, მის კალამს ეკუთვნის 40-მდე დრამატული ნაწარმოები და სხვა.

ორიოდე სიტყვით აუცილებლად უნდა ითქვას, რომ: „არანაკლები ნაყოფიერი მუშაობა გასწია შალვა დადიანმა 45 წლის იუბილის შემდეგ,



კერძოდ ორმოცდაათიან წლებში მან დაამთავრა თავისი ტრილოგიად ჩაფიქრებული წიგნის „მენჯი რობუს“ პირველი ნაწილი „გვირგვინიანების ოჯახი“. სხვა ნაწილების შექმნა მწერალს არ დასცალდა.“

სიცოცხლის ბოლო წლებში შ. დადიანმა დაწერა მემუარების შესანიშნავი წიგნი „რაც გამახსენდა“. მასვე ეკუთვნის ისტორიული რომანი „უბედური რუსი“.

მოოცე საუკუნის ქართული დრამატურგიის მამა შალვა დადიანი ჩვენი აქტიური თანამედროვე, მებრძოლი მწერალია.“ (უახლესი ქართ. ლიტ. ისტ. თბ. 1994 წ.)

აღსანიშნავია ის ფაქტიც, რომ გაზეთი მოურიდებლად ამხელს ცხინვალის თეატრალური ცხოვრების ნაკლოვანებებსაც. ნათქვამის დადასტურებაა 1935 წლის 14 ოქტომბრის ნომერში დასტამბული წერილი „სეზონის გახსნის დრო კარს მოგვდგომია, ქართულ დასს კი ჯერაც სძინავს“.

ასეთივე მკაცრი ტონითაა დაწერილი იმავე წლის 19 ნოემბერს, ამ პერიოდის გაზეთ „საბჭოთა ოსეთის“ პასუხისმგებელი რედაქტორის მოადგილის, ჟ. ძიგოევის მიერ გამოქვეყნებული ვრცელი რეცენზია, ოსური დრამატურგიის თვალსაჩინო წარმომადგენლის ელბიზდიყო ბრიტაევის პიესის მიხედვით შექმნილ სპექტაკლზე „ხაზბი“.

ავტორი გულისტკივილს გამოხატავს დამახინჯებული პიესის გამო, მაგრამ ბოლოს მაინც იმედინად დასძენს: „ვიმედოვნებთ, რომ ნაკლოვანებათა გამოსწორებით სამხრეთ-ოსეთის სახ. თეატრი უფრო განამტკიცებს თავის მუშაობას და გახდებიან ერთ-ერთ მძლავრ კოლექტივად.“

დღეს, გახმაურებული ეთნოკონფლიქტის გამო, უმდიდრესი ტრადიციების მქონე ცხინვალის სახელმწიფო თეატრი, რომელიც დაფუძნებულია ერის საუკეთესო შვილების დიდი ჭაპანწყვეტის შედეგად, რომელიც სათავეს მაჩაბლების უდიდესი გვარისაგან იღებს და არსებობის 120 წელიწადს ითვლის, ბუნებაწამხდარი დგას უმწეოდ ქართულ სიტყვას, ვანო მაჩაბლის სიტყვას დანატრებული და იმედის თვალით გაჰყურებს გზას...



## ივანე მაჩაბელი - ცხინვალის ქართული გაზეთის ფურცლებზე

ცხინვალის ქართული პრესა, მიუხედავად ცნობილი რთული პირობებისა, სათანადოდ აშუქებდა ქართველ მოღვაწეთა ცხოვრებასა და შემოქმედებას. ნათქვამის დასტურია თამარაშნელი გენიოსის, შექსპირის მთარგმნელის ივანე მაჩაბლისადმი მიძღვნილი მასალები.

ივანე ურჯუმელაშვილი თავისი საგაზეთო წერილით „თამარაშნის საბავშვო სახლში“ საინტერესო ცნობებს გვაწვდის სოფელ თამარაშნის დიდებული ბუნებისა. „50 წლის წინათ თამარაშნის ხშირი სტუმრები იყვნენ ქართველი ხალხის დიდი მწერლები ილია ჭავჭავაძე და აკაკი წერეთელი. ისინი მაჩაბლიანთ სახლის ფართო აივნიდან გასცქეროდნენ და სტკებოდნენ ამ ულამაზესი კუთხის პეიზაჟით; დაბლა მოჰქუსს მდინარე ლიახვი, მარჯვენა მხარეს გაშლილია ბალ-ვენახები, მდინარის იქით გასდევს მთაგრეხილები, ხოლო უფრო შორს აღმართულია ზამთარ-ზაფხულ დათოვლილი კავკასიონის მწვერვალები...“ („ს.ო.“ 1955 წ. №42).

ჭეშმარიტად ბრძანებდა ბატონი ურჯუმელაშვილი. დიდი ილია არაერთხელ დამტკბარა მაჩაბელთა სამკვიდროს უზადო მშვენიერებით. იგი მთელი თავისი ცხოვრებისა და უაღრესად ნაყო-

ფიერი მოღვაწეობის მანძილზე მიზნად ისახავდა კავკასიის ხალხებს შორის ახლო ურთიერთობის დამყარებას.

ი. ჭავჭავაძის ოსებთან დაახლოებაში გარკვეული როლი შეასრულა მისმა სტუმრობამ თამარაშენში. როგორც ჩვენი ხეობის მკვიდრი ელისო მაჩაბელი იგონებს: ილია, როგორც მწერალი და საზოგადო მოღვაწე მჭიდრო ურთიერთობაში იმყოფებოდა იმდროინდელი ქართული კულტურის მოღვაწეებთან. საყოველთაოდ ცნობილია, თუ რა დიდი ღვაწლი მიუძღვის მას ქართული თეატრის აღდგენისა და განვითარების საქმეში. იგი მთავარი ორგანიზატორი იყო 1879 წლის ქართული თეატრის აღდგენისა, რომელიც გიორგი ერისთავის თეატრის დახურვის შემდეგ აღარ არსებობდა...

დიდი ოვაციებით შეხვდა თამარაშენის მოსახლეობა დიდბუნებოვანი მგოსნის სტუმრობას. ხალხის გულწრფელი სიხარულითა და ბუნების სინატიფით მოჯადოებული ილია გადაეხვია ზაალ მაჩაბელს და ესლა აღმოხდა: „ეს ბუნება უნიჭოს ნიჭს შესძენს და უხმოს აამღერებსო.“

მეორე დღისათვის ილიამ ვასიკო მაჩაბელს შვილი მოუნათლა. ნათლობა, რომელზეც მთელი სოფელი იყო მოწვეული, დიდი ზეიმით ჩატარდა.

ამ მოგზაურობის პერიოდში ი. ჭავჭავაძეს მხედველობიდან არ გამორჩენია ოსეთის მშრომელთა მძიმე ეკონომიური მდგომარეობა. სწორედ ამის

დასტურია მის მიერვე გამოქვეყნებული პოლიტიკურ-ეკონომიკური ნარკვევი სათაურით: „საზოგადოებრივი ცხოვრების ნაკლნი და მისი ეკონომიური მიზეზები“. სადაც იგი ეძებს მთის ოსი მოსახლეობის ღუხჭირი, ჩამორჩენილი ცხოვრების მიზეზებს.

რაც შეეხება აკაკი წერეთელს, ცნობილი ფაქტია ის ახლო მეგობრული ურთიერთობა, რომელიც აკავშირებდა მას იმავე ეპოქის და იმავე ბრწყინვალე კოჰორტის თვალსაჩინო წარმომადგენელთან, შექსპირის უბადლო მთარგმნელთან, ვანო მაჩაბელთან. მათ შორის მეგობრობას მტკიცე საფუძველი ჩაეყარა აკაკის თამარაშენში პირველად სტუმრობის შემდეგ.

„თამარაშენისაკენ მარტო აკაკი და ვანო გაემგზავრნენ. რაც უფრო ქართლის სიღრმეში შედიოდნენ, აკაკი მით უფრო მოხიბლული რჩებოდა; წარმოიდგინე, ჩვენს იმერეთს არაფრით ჩამოუვარდებოა ამბობდა.“ (ვ. ჭელიძე - „ცხ. ივანე მაჩაბლისა“)

აკაკი განსაკუთრებით თამარაშენის მიდამოებს მოუხიბლავს და ამის შემდეგ იგი ხშირად ესტუმრებოდა ხოლმე ივანე მაჩაბელს თამარაშენში.

გადიოდა დრო, მაგრამ აკაკისადმი ქართველი ხალხის სიყვარული არ ნელდებოდა, რაღა თქმა უნდა გამონაკლისს ამ მხრივ არც ხსენებული სამაჩაბლოს მხარე წარმოადგენდა და არც იქ გამომავალი ერთადერთი ქართული გაზეთი „საბჭოთა ოსეთი“. ათწლეულების უშორესი მანძილით

დაშორებული მადლიერი შთამომავლობა პერიოდულად ბეჭდავდა ერთობ საინტერესო საგაზეთო სტატიებს და კვლავ ცდილობდა სამადლობელი სიტყვის თქმას.


ჩვენს ყურადღებას იპყრობს ვახტანგ სიღამონიძის სტატია „მოგონება ივანე მაჩაბელზე“, რომელშიც მზის სინათლეზეა გამოტანილი ვანოს კიდევ ერთი დადებითი თვისება, ყოველგვარი უსამართლობისა და ძალმომრეობის წინააღმდეგ შეუდრეკელი მებრძოლისა.

სახალხო განათლების ცნობილი მოღვაწე ალ. ნათაძე თავის 1919 წელს გამოქვეყნებულ წერილში მიუთითებს ეპიზოდზე როდესაც მან ვ. მაჩაბელი სპეციალურად ინახულა სკოლის საკითხებზე.

„ა. ნათაძე აღნიშნულ წერილში ვრცლად მოგვითხრობს ვ. მაჩაბლის, როგორც გამოჩენილი მოღვაწის შესახებ. ნაჩვენებია, თუ ის როგორ გულისხმიერად ეკიდებოდა ხალხის განათლების საქმეს. მოუწოდებდა მედგარი ბრძოლისაკენ, შეუპოვრობისაკენ, ხალხის სამსახურში თავდადებისაკენ. ნათაძის წერილი ამ მხრივ ძალიან მნიშვნელოვანია.“ („ს.ო“. 1961 წ. №71).

მოგვყავს შემოკლებული ამონარიდი სტატიიდან:

„ეს იყო 1881 წელს. ამ დროს სოფ. ზემო ჭალაში ვმსახურობდი სოფლის მასწავლებლად. იმავე წელს მაისის მიწურულში ღირექტორი დარსკი მოვიდა სკოლის სარევიზიოდ. სამი საათი დარჩა. ბაასი გავმართეთ პედაგოგიურ საკითხებზე. აზრები



აკაკი წერეთელი

ერთმანეთს ვერ შევუთანხმეთ. ერთმანეთს მტრულად დავშორდით.“ ავტორი მიუთითებს, რომ ახალგაზრდა მასწავლებელს გადაუწყვეტია სკოლა გადაეცა „წერა-კითხვის გამავრცელებელი საზოგადოებისათვის“. ამით თავისი მოქმედების ასპარეზი გაეფართოვებინა. სოფლის ექიმის რჩევით უნდა წასულიყო ქალაქში და მოლაპარაკებოდა ილიას და ივანე მაჩაბელს. ალ. ნათაძე ჩასულა თბილისში. ივანე მაჩაბლისათვის მიუკითხებია „დროების“ რედაქციაში: „გულის ღელვით ველოდი ჩვენი გამოჩენილი მოღვაწის ნახვას და მასთან საუბარს... მალე კაბინეტის კარი გაიღო და გამოვიდა ივანე მაჩაბელი. მომკიდა ხელი და კაბინეტში წამიყვანა. ბევრი რამ ველაპარაკე სოფლის სკოლაზე, სოფლის მოსწავლეების ყოფა-ცხოვრებაზედ. ბოლოს გავუზიარე ჩემი აზრი სკოლის გადაკეთების შესახებ. ვანოც სმენად იყო გადაქცეული...“

– ბევრში მართალი ხარ, თქვენი სასოწარკვეთილი ლაპარაკი ღრღნის ამ ჩემს გულს. სისხლს მიმღვრევს, სისხლს მიშფოთებს, რა დროს თქვენი სასოწარკვეთილებაა? სად არის თქვენი ჭაბუკური გატაცება, უნარი ცხოვრებასთან ბრძოლისა?.. ჩემის აზრით, იმიტომ, რომ ჩვენმა საზოგადოებამ სკოლა იქ უნდა გახსნას, სადაც მასწავლებელი თავს ვერ დაიფარავს და უბრძოლველად დაემორჩილება ყველა პედაგოგიურ უკუღმართობას. თქვენ კი შეგიძლიათ დაიცვათ სკოლა იმ განსაცდელისაგან. ბნელი ნათლით შესცვალოთ. მაგრამ... ეს ჩემი



აზრია, ჩემი პირადი შეხედულება საქმეზედ და მოდი ილიასაც ვკითხოთ, გოგებაშვილსაც გავუზიაროთ ეგ თქვენი საკითხი?..“

„მაჩაბელთან ერთად წავედი ილიასთან - იგონებს ალ. ნათაძე - ილიას გაშლილმა შუბლმა და დიდებულმა სახემ დიდი შთაბეჭდილება მოახდინა ჩემზედ... ყველა კითხვაზედ მოწინააღმდეგებით ვაძლევედი პასუხს... წინადადება მომცა ის ჩემი განზრახვა დამეწერა და საზოგადოების გამგეობისათვის მიმემართა.“

იგივე ნათაძე ივ. მაჩაბლის შესახებ ამბობს: „სულ მუდამ ჟამს, ახლაც კი ივანე მაჩაბლის მოგონებაში ვარ, სულ თვალწინ მიდგას მისი მადლიანი სახე, მისი ჩქარი, მჭევრმეტყველური სიტყვა აქამდისინ ყურს ეფინება, მისი ჩრდილი, თავაზიანი ქცევა არ შორდება ჩემს ხსოვნას; მამხინვეებს და მასულდგმულებს მისი ჭაბუკური გატაცება, ქვეყნის სიყვარული და მისი დიდებული მოღვაწეობა: „სად არის ქვეყანა, რომ საზოგადო მოღვაწეს ფიანდაზად იასა და ვარდს უშლიდნენ, ცხოვრება ბრძოლაა და ვინც ამ ბრძოლაში გაიმარჯვებს, კაციც ის არის და ქუდიც იმას ჰხურებიაო.“ აკი საცოდავმა ამ ბრძოლას შეაღია თავისი მოსიყვარულე და იმედებით სავსე გული.“ (იხ. გაზ. „თემი“ 1913 წ.)

ზემოთხსენებული საგაზეთო სტატია მნიშვნელოვან ცნობებს გვაწვდის ვ. მაჩაბლის, როგორც დიდი საზოგადო მოღვაწისა და სახალხო

განათლებისათვის თავდადებული მებრძოლის დასახასიათებლად.

აქვე დავსძენთ, რომ მკვლევარმა ვ. სიღამონიძემ გამოაქვეყნა სტატია „ივანე მაჩაბელი - ოსთა ქომაგი.“ იგი რამოდენიმე საყურადღებო ფაქტს ეხება.

„1880 წლის ივნისში ი. მაჩაბელი გაზეთ „დროების“ რედაქციაში მისულა. რედაქტორი სერგეი მესხი სიზარულთ შეჰკვებებია და ურთიერთმოკითხვის შემდეგ უთხოვია: გეთაყვა, ვანო, ხელი წამაშველე, ბევრზე ბევრი წერილი და კორექსონდენცია შემოდის და ეგება გადახედო და გადაარჩიო რა გამოდგება დასაბეჭდად.

ვანომ გადაარჩია მასალები. მისი ყურადღება მიიპყრო წერილმა, რომელსაც ეწერა: „წერილი „დროების“ რედაქციას ბათუმიდან.“ წაიკითხა თუ არა, აღშფოთებამ შეიპყრო და თავისთვის ჩაილაპარაკა: ასეთი ბარათები ბათუმიდან, ისიც ჯარის ნაწილიდან წინათაც მიიღო რედაქციამ, მაგრამ ეტყობა არავინ ყურად არ იღო. ახლა კი ამის მოთმენა აღარ შეიძლება...“ („ს.ო.“ 1983წ. №44).

ხსენებულ წერილში საუბარია ქ. ბათუმში მდგომი ოსი ჯარისკაცების პოლკში გამეფებულ უწესრიგობასა და ოფიცერთა კანონსაწინააღმდეგო მოქმედებაზე, რაც რიგითი ჯარისკაცების სამართლიან გულისწყრომას იწვევდა.

ივანე მაჩაბელმაც გადაწყვიტა სათანადო პასუხის გაცემა და ოღნავ მაინც რომ შეემსუ-

ბუქებისა ჯარისკაცთა მდგომარეობა, დაწერა წერილი „ოსების საჩივარი“. წერილში იგი ამხელს ოფიცრების თავგასულობას და ემხრობა „ათას, ტანჯვა-წვალება გამოვლილ ოსებს, რომელთაც მადლობის მაგიერათ, მათი უფროსები უკანასკნელს დაობებულ პურსაც კი შუაზედ უტეხენ და თავის უძირო ხურჯინში ჰყრიან...“ (გაზ. „დროება“, 1880წ. №120).

ი. მაჩაბლის „ოსთა საჩივარი“ საუკეთესო მაგალითია იმისა, თუ როგორ ყურადღებას აქცევდა, ესარჩლებოდა და იცავდა იგი თვითმპყრობელური ჩაგვრისაგან საქართველოში ეროვნულ უმცირესობათა, კერძოდ, ოსთა უფლებებსა და ინტერესებს.

1974 წლის 8 თებერვლის ნომერში დაბეჭდილია დოცენტ ავთანდილ ცოტნიაშვილის სტატია სათაურით „სასიქადულო მამულიშვილი“, რომელიც ეძღვნება ივ. მაჩაბლის დაბადების 120 წლისთავს.

ავტორი მიმოიხილავს ივ. მაჩაბლის მოსწავლეობისა და სტუდენტობის პერიოდს. მოვიყვანო ნაწილს საგაზეთო მასალიდან.

„ახალი ქართული ლიტერატურის მკვლევართა ერთსულოვანი აღიარებით, მე-19 საუკუნის მე-2 ნახევრის ქართულ სინამდვილეში არ ყოფილა რაიმე ღირსეული საქმე, რომელშიც ჩვენს თანამემამულეს აქტიური მონაწილეობა არ მიეღოს.

იმ დროის ერთ-ერთ მწვავე პრობლემად ქართული თეატრის ბედი ითვლებოდა და ი. მაჩაბელიც თეატრის უანგარო თაყვანისმცემელი ხდება. „მისი

გამოჩენა ქართული თეატრის კედლებში ერთგვარი სენსაცია იყო... სწორედ იმ ხანებში ნიკო ნიკოლაძის მეთაურობით არჩეულ იქნა კომისია, რომელსაც მინდობილი ჰქონდა შეემუშავებინა დრამატული საზოგადოების მუხლებრივი წესდება, საქართველოში თეატრის და სასცენო ხელოვნების გასავრცელებლად. ამ კომისიაში მთავარ როლს თამაშობდა ვანო მაჩაბელი, “-იგონებს ერთი მისი თანამედროვე.

პატრიოტი მოღვაწე სპეციალურად ქართული თეატრისათვის თარგმნის პიესებს, რომლებიც ისტორიას ვერ შემორჩა და არც მაჩაბელს – მთარგმნელს შეემატა რაიმე ღირსება, მაგრამ ახლად ფეხადგმული ქართული სცენისათვის გარკვეული მნიშვნელობა ჰქონდათ. ეს პიესებია: „ორ ცეცხლშუა“, „ცქრიალა საძაგელი“, „ჟან ბოდრი“ და სხვ. ხოლო როცა ქართულ თეატრს მოევლინა რამდენიმე კორიფე, ი. მაჩაბელი უკვე იწყებს თარგმნას თავისი მოწოდებისამებრ. იგი უბრუნდება „მეფე ლირის“ ავტორს. და ამით გამოჩენილ სპეციალისტთა აზრით, დაიწყო სრულიად ახალი ეტაპი მსოფლიო მთარგმნელობითი ხელოვნების ისტორიაში. თამარაშნელმა ტალანტმა შექსპირის 8 ტრაგედია თარგმნა და თავისი თარგმანებით მაჩაბელი ყოველთვის ავტორის კონგენიალურად და მეტოქედ გვევლინება (ვ. ჭელიძე. წერილები, ლიტერატურული პორტრეტები, გვ. 164).“

ავტორი დასძენს, რომ „მაჩაბელმა–მთარგმნელმა

ისეთივე წვლილი შეიტანა ახალი ქართული სალიტერატურო ენის განვითარებაში, როგორც ილიამ, აკაკიმ და გოგებაშვილმა თავიანთი ორიგინალური ნაწარმოებებით.

ლიახვისპირელი გენიოსის „ივერიაში“ ჟურნალისტური მოღვაწეობის მიმოხილვაა იმავე ავტორის წერილი „როგორც გონება ჩვენი ჰჭრიდა...“ იგი ეძღვნება ივანე მაჩაბლის დაბადებიდან 135 წლისთავს.

„ივანე მაჩაბელი 1879 წ. დაბრუნდა სამშობლოში და მაშინვე ი. ჭავჭავაძის თხოვნით მუშაობა დაიწყო ჟურნალ „ივერიაში“. მოღვაწეობის პირველი დღეებიდანვე მან სახელმძღვანელოდ გაიხადა „საქართველოს მოამბის“ რედაქტორის განცხადება: „...თუმცა გზა გახიდული გვექონდა, მაგრამ გულწრფელად და გაბედვით ვიტყვით, რომ სხვის მოსაწონად არცერთი ჩვენის გულითადის აზრისათვის არ გვიღალატია, როგორც გული გვითხრობდა—სე ვლაპარაკობდით, როცა კი შეგვეძლო და კვლავაც ასე მოვიქცევით“. (ნ. ტაბიძის წერილები. 1978 წ.)

მართლაც, ივანე მაჩაბელი მტკიცე იდეურ ხაზს მიჰყვებოდა; მისი ყველა ნაწარმოები ერთი მისწრაფებით ხასიათდება. („ს.ო.“ 1989 წ. 8/II).

ბატონი ავთანდილი დაწვრილებით მიმოიხილავს ვანოს მოღვაწეობას „ივერიაში“ 1879 წლიდან—1883 წლის ჩათვლით. კერძოდ, ავტორის ინტერესთა სფეროში შედის საგაზეთო წერილები:

„ვაზის ახალი მტერი“ („ივერია“ 1879 წ. №4),  
„ტყე და იმისი მნიშვნელობა“ (1879წ. №5-6)...

ცნობილი მკვლევარების, დავით გამეზარდა-შვილისა და ალექსანდრე კალანდაძის შეხედულებით 1881 წლის „ივერიის“ თითქმის ყველა ნომერში რუბრიკით „ახალი წიგნები“ გამოქვეყნებული მასალა ი.მაჩაბელს ეკუთვნის. იგი მიმოიხილავს ზოგიერთ გამოცემას, კერძოდ, რანდრონიკაშვილის წიგნს „ჩვენი საზოგადოება და მისი ეხლანდელი მიმართულება“. (თბ. 1880); „წყაროს“, ყრმათათვის საკითხავ წიგნს, გამოცემულს 1881 წელს ანთ. ჯუღელის რედაქციით, ყოველთვიურ სალიტერატურო და პოლიტიკურ ჟურნალ „იმედს“ და სხვ. ასევე საინტერესოა „ივერიის“ მეშვიდე ნომერში გამოქვეყნებული ივანე მაჩაბლის რეცენზია, დართული ალ. ჭავჭავაძის ლექსთა კრებულიის პირველ გამოცემას (1881) რომელშიც ავტორი აღფრთოვანებული წერს: „კაცმა არ იცის რამ უფრო უნდა განაცვიფროს: ნამდვილ გრძნობათა გამოთქმამ, კაცის გულის სხვადასხვაობის გამოწაფვამ თუ ენის მოქნილობამ თუ ძლიერებამ.“

ბატონმა ავთანდილმა ხაზი გაუსვა კიდევ ერთ საინტერესო ფაქტს, რომ ივანე მაჩაბელმა ქართული კრიტიკის ისტორიაში პირველმა მიუთითა ნ. ბარათაშვილის პოეზიის უდიდეს მნიშვნელობაზე, მშობლიური მწერლობის განვითარებისათვის.

როგორც ვანო ამბობდა: „მეოცდაათე და მეორე მოცე წლები დაუვიწყარნი იქნებიან ჩვენი ღარიბი

ლიტერატურისათვის. ამ დროს ალ. ჭავჭავაძის გრძნობით სავსე და წმინდა სანთელსავით ჩამოქნილ ლექსებს, რომელთა საგანი იყო ქალები, სიყვარული, ვარდი, წითელი კახური ღვინო, გაერია აგრეთვე გრძნობით სავსე, მაგრამ ხანდახან სხვა საგნებზედაც მომთქმელი ლექსები ნ.ბარათაშვილისა“.

ერის მტკივნეული პრობლემებია წინა პლანზე ხელმოუწერელ სტატიაში „ნახული და გაგონილი“ (1882წ №8) მასში ერის მოჭირნახულე მამულიშვილი გულისტკივილით სახალხოდ აცხადებს: „ნათქვამია „გიჟი ქორწილში შევიდა-ჩემს სახლს აქა სჯობიანო“. სომხები აქამდის ფულით გვჯობნიდნენ, ახლა მალე თუ არ გავეფრთხილდით, მამულიშვილითაც გვაჯობებენო...“ და სხვა.

იმავე ნომერში საერთო სათაურით „ივანე მაჩაბლის დაბადებიდან 135 წლისთავისთვის“ მოთავსებულია პროფესორ შოთა ქურდაძის გამოკვლევა „ივანე მაჩაბლის ერთი ლექსის შესახებ“.

„მხედველობაში გვაქვს ლექსი „ოცნება“, რომელიც დაიბეჭდა „ივერიაში“ ი. ჭავჭავაძის ინიციატივით. ამ თხზულებას ნიკო ნიკოლაძემ „ასტრონომიული ლექსი“ უწოდა, ხოლო მოგვიანებით მას ზოგად ასპექტში შეეხო „ივანე მაჩაბლის ცხოვრების“ ავტორი ვახტანგ ჭელიძე.“ („ს. ო.“ 1989 წ. №27). მეცნიერი აღნიშნავს, რომ დღემდე ეს ლექსი საფუძვლიანი განხილვის საგანი არ ყოფილა. თუმცა ზემოთხსენებულ წიგნში (გვ. 214)

ვ. ჭელიძის მიერ მითითებულია: „ლექსი „ოცნება“  
ნ. ბარათაშვილის პოეზიის აშკარა გავლენით არის  
დაწერილი“.

ბატონი შოთას ვარაუდით „ნ. ბარათაშვილის  
პოეზიასთან ერთად ასეთი ფანტასტიკურ-ფილო-  
სოფიური და ღრმა სოციალური თხზულების დაწე-  
რისას მის ავტორს საკმაო შთაგონება უნდა მიეღო  
მისივე ახლო მეგობრის - ილია ჭავჭავაძისაგანაც.“

დასასრულ ნათქვამია, რომ ივანე მაჩაბელმა  
ამ ლექსში ნაცნობი თემის დამუშავებით დამაჯე-  
რებლად გვაზიარა მაღალ პოეტურ ცხოველყოფე-  
ლობას.

არაერთხელ თქმულა და დაბეჭდილა ვანო  
მაჩაბლის არაჩვეულებრივ მთარგმნელობით უნარსა  
და განსაკუთრებულ სცენისმოყვარეობაზე. ამის  
კიდევ ერთი უდავო დადასტურებაა ცნობილი ლი-  
ტერატურისმცოდნის, დოცენტის ნოდარ მესხრი-  
კაძის წერილი „მსახიობთა ნიჭიერება ხიბლავდა.“

„ი. მაჩაბელი ქართულ თეატრში დიდი სახელით  
მოვიდა. პეტერბურგისა და საზღვარგარეთ უნივერ-  
სიტეტდამთავრებული, ენების მცოდნე, ილია ჭავჭა-  
ვაძის უახლოესი თანამშრომელი დიდ ავტორი-  
ტეტს წარმოადგენდა და მის სიტყვას გადამწყვეტი  
მნიშვნელობა ჰქონდა თეატრის მიმართულების  
მიცემაში.“

ი. მაჩაბელს ქართულ თეატრში მსახიობთა  
ნიჭიერება ხიბლავდა. სპექტაკლის წარმატებას  
მსახიობთა ოსტატურ გარდასახვაში, განცლით





ილია და ივანე მარაბული

თამაშში ხედავდა. მისი აზრით, „თეატრში კაცს უნდა უყვარდეს, რაც ღირსია სიყვარულისა, ე.ი. მსახიობი მისი თამაშით, წარმოდგენით და განცდით.“ მხოლოდ მსახიობის მიერ შექმნილ მართალ დამაჯერებელ სახეს შეეძლო მაყურებელზე ზემოქმედების მოხდენა. მისი მოსაზრებით თეატრში მთავარი ის კი არ არის, თუ რა სრულდება, მთავარი ის არის თუ როგორ სრულდება...“ („ს.ო.“, 1989 წ. №29).

ვანოს მთარგმნელობითი და საზოგადოებრივი მოღვაწეობა ყოველთვის დიდ ინტერესს იწვევდა. ერთგვარი სინანულით აღნიშნავს ბატონი ნოდარ მესხრიკაძე, მაჩაბლის 44 წლის ასაკში, იდუმალეზით მოცულ ვითარებაში გაუჩინარებას. ეს ტრაგედია რომ არა, კიდევ რამდენით გაამდიდრებდა ქართულ ლიტერატურას. მან შექსპირის მხოლოდ რვა ტრაგედიის თარგმნა მოასწრო, ესენია: „მეფე ლირი“- ი. ჭავჭავაძესთან ერთად, „ჰამლეტი“, „ოტელო“, „მაკბეთი“, „რიჩარდ მესამე“, „იულიუს კეისარი“, „ანტონიუსი და კლეოპატრა“, „კოროლანოსი“.

„შექსპირის ტრაგედიები მანამდე ითარგმნებოდა ქართულად („ოტელო“ - უცნობი მთარგმნელის მიერ 1844 წ. „ჰამლეტი“ - ლ. არდაზიანის მიერ 1858 წ.; „რომეო და ჯულიეტა“ - ფრანგულიდან გადმოღებული დ. ყიფიანის მიერ 1859 წ.), მაგრამ ინგლისურიდან პირველად და თანაც კლასიკური თარგმანი ეკუთვნის ი. ჭავჭავაძესა და ი. მაჩაბელს.

ეს არის „მეფე ლირი“. აქვე უნდა აღვნიშნო, 1964 წელს, როცა მთელმა მსოფლიომ შექსპირის დაბადებიდან ოთხასი წლისთავი იზეიმა, სტრედფორში, შექსპირის სამშობლოში, სადაც ააგეს შესანიშნავი შენობა, რომელსაც „შექსპირული ცენტრი“ ეწოდა, იქ „გამოფენილ შექსპირის თარგმანების არცთუ ისე მრავალრიცხოვან უნიკალურ გამოცემებს შორის იყო ილიასა და ი. მაჩაბლის მიერ თარგმნილი „მეფე ლირის“ პირველი გამოცემაც.“ („ქართული შექსპირიანა“ გვ.7)

ა. ფურცელაძის „ჰამლეტის“ თარგმანის გამოცნობილი მწერალი და შექსპირის პიესების მთარგმნელი ვ. ჭელიძე შენიშნავს: „თარგმანს საერთოდ აკლია შექსპირის ენის ლაკონიურობა და დინამიურობა. არც გასაკვირია, ა. ფურცელაძე თარგმანებიდან თარგმნის, დიდი მწერლის ჯადოქრულ ენას ვერა. წვდება. მისი ფრაზის საოცარ მოქნილობას ვერ განიცდის.“ ამიტომ ბუნებრივი იყო ი. მაჩაბლის გადაწყვეტილება, ეთარგმნა იგი, რომ თარგმანი შესატყვისი ყოფილიყო. მაგრამ, სამწუხაროდ ამ ფაქტმა გაანაწყენა ა. ფურცელაძის მეგობრები, უსაყვედურეს მწერალს, ერთი თარგმანი ხომ იყო, მეორედ თარგმნას რატომ მოკიდე ხელიო. ამ ფაქტის გამო აღშფოთებულ ი. მაჩაბელს მწარედ და ნაღვლიანად უთქვამს ვ. გუნიასათვის: „საჭიროა სრული გარდაქმნა, გადახალისება, განსაკუთრებით ხელოვნების დარგში... არა, ცეცხლია საჭირო... დიდი გიზგიზა ცეცხლი,

რომ სულ გადაბუგოს და ალში გახვიოს ჩვენი ჩამორჩენილობა.“

ივანე მაჩაბელს უთარგმნია გოლდონის კომედია „როგორც ჰქუხს, ისე არ წვიმს“, ფრანგულიდან გადმოუკეთებია „ადვოკატი მელაძე“ და სხვ.

მან უაღრესად დიდი ამაგი დასდო ქართულ თეატრს, ახალი ინტერესების სფერო შეუქმნა, წინ წასწია და განავითარა სასცენო მეტყველება.

იმავე წელს ამ პრობლემით დაინტერესდა ფილოლოგიის მეცნიერებათა კანდიდატი, დოცენტი თამილა გოგოლაძე. საგაზეთო მასალაში „შტრიხები ვანოს პორტრეტისათვის“ მოხმობილია ფაქტები ივ. მაჩაბლის თანამედროვეთა მოგონებებიდან, რომელთა დახმარებით ქალბატონმა თამილამ შემოქმედის მართლაც საინტერესო პორტრეტის დახატვა შესძლო.

„იშვიათად შემხვედრია ამისთანა მუშაკი, – შრომაც უყვარს და ხელიდან ბარაქაც გამოსდის (გიორგი თუმანიშვილი).

ვანო ჭკვიანი ბიჭია, ამასთანავე კარგი კალმის პატრონი. ჩვენთვის ვანო დიდი ნუგეში იქნება (ილია).

ვანოსთან საუბარი არ იყო უბრალო დროის დაკარგვა. მას თქვენ შეჰყავდით თავის აზროვნების ლაბორატორიაში და ალტაცების ტალღები მიგაფრენდნენ დაუსრულებელი სივრცეებისაკენ... საქართველო, მისი წარსული და მომავალი ხშირად იყო თემად მისი გატაცებული საუბრისა. მე არ

მახსოვს უფრო გულწრფელი პატრიოტი. მის პატრიოტიზმს ამკობდა არა მარტო მჭევრმეტყველება მეგობართა შორის, არამედ სულით და გულით ვგრძნობდით მისი მეგობრები, თუ რაოდენი სიყვარული იყო ვანოს გულში საქართველოსადმი. ამ დროს ვანო უკვე მოსჩანდა, როგორც გატაცებული საზოგადო მოღვაწე. (მხატვარი დავით გურამიშვილი).

იმდროინდელი სტუდენტობა... სამშობლოსათვის მოციქულ-მოწამეებად ამზადებდნენ თავს... სწორედ ამგვარ წრეში იყო ჩამდგარი ი. მაჩაბელიც, ერთი თვალის გადავლებით, როგორც შევიტყვე, ის პირველთაგანი იყო (აკაკი).

ერთი იყო მაჩაბლის ნაკლი: ძალიან ფიცხი იყო, აჩქარებული, სწრაფი, რაც უნდა რთული საქმე ყოფილიყო, დიდხანს არ დააყოვნებდა, ფიცხლად გადაავლებდა თვალს და უმალ დასკვნას გამოიტანდა. დახანება, გადადება საქმისა არ უყვარდა. დღესვე უნდა გათავებულყო, სახვალიოდ არ უნდა გადადებულყო!

„ვანო ცეცხლი იყო. მუდამ სდუღდა და გადმოსდუღდა“, „ვანო ქურციკივით ხტოდა, მითამაშებდა“. (იაკობ მანსვეტაშვილი)“ („სო.“ 1989 წ.).


მცირე ბიოგრაფიული ექსკურსის შემდეგ ქალბატონი თამილა ერთგვარი სევდით, მაგრამ იმედით აღსავსე ამთავრებს წერილს:

„ქართველი ერი დღესაც ეძებს თამარ მეფის საფლავს, დღესაც იძიებს ილიას მკვლელობის

საქმეს, დღესაც მიჰყვება მაჩაბლის უკანასკნელ საფეხურებს... ხსოვნა კი რჩება მარად სხივნათელ, გულმხურვალე მამულიშვილზე, ხსოვნა მისთა ღირსეულ საქმეთა სახით.“

გაზეთმა ი. მაჩაბლის თემას სხვა დროსაც მიაქცია ყურადღება: „ივანე მაჩაბლის დაკარგვა XIX ს-ის ქართული საზოგადოებრივი ცხოვრების არანორმალურობას მოწმობს ისევე, როგორც ამას მოწმობს ნ. ბარათაშვილის, სოლ. დოდაშვილის, სერგეი მესხის, ალ. ყაზბეგის, ილია ჭავჭავაძის, ჭოლა ლომთათიძის და სხვა ქართველი მწერლებისა და მოღვაწეების ტრაგიკული ბედი“ – აღშფოთებული აცხადებს ბატონი გერონტი ქიქოძე თავის საგაზეთო სტატიასი „ივანე მაჩაბელი.“ („ს.ო“ 1986წ. №28).

იგი ზოგადად ეხება ვანოს ბიოგრაფიულ ცნობებს, რომ საშუალო და უმაღლესი განათლება საქართველოში მიიღო, ხოლო სპეც. აგრონომიული – ინგლისსა და საფრანგეთში. უცხოეთიდან დაბრუნების შემდეგ მიწვეული იქნა ჟურნალ „ივერიის“ თანარედაქტორად. სერგეი მესხის ჯანმრთელობის გაუარესების გამო მაჩაბელი კისრულობს გაზეთ „დროების“ რედაქტორობას. გაზეთის დახურვის შემდეგ მუშაობს ქართულ ბანკში და მთელი ამ ხნის განმავლობაში დროგამომშვებით უბრუნდება თარგმნას. ამ საქმეს იგი მთელი პასუხისმგებლობით ეკიდება და სწორედ ამის გამო მთელი ოცი წლის მანძილზე ასწრებს



მხოლოდ რამდენიმე ტრაგედიის გადმოთარგმნას.

ხსენებული სტატიის ავტორი ასაბუთებს ვანოს თარგმნის ხელოვნების ორიგინალობას. უჩვენებს, რომ ქართულ ენას აქვს ჯერ კიდევ გამოუყენებელი მარაგი, რომ ის გამოდგება არა მარტო ისტორიული ქრონიკების შესადგენად, არამარტო რელიგიური და ეროტიკული განცდების გამოსახატავად, არამედ უღრმესი ფილოსოფიური და ეთიკური იდეების გადმოსაცემადაც.

„საბჭოთა ოსეთი“ პერიოდულად აქვეყნებს მასალებს ივანე მაჩაბლის სახლ-მუზეუმის რემონტ-რესტავრაციის შესახებ.

ამ თვალსაზრისით აუცილებელი აღნიშვნის ღირსია დამსახურებული ჟურნალისტის, ბატონი ვასილ საბანაძის მიერ 1980 წლის 15 ივლისს გამოქვეყნებული წერილი „დიდი საშვილიშვილო საქმე.“

ბატონი ვასილი კიდევ ერთხელ მიუთითებს, რომ:

ძვირფასია ჩვენთვის ვანო მაჩაბლის სახელი. მან საშუალება მისცა ქართველ ხალხს მშობლიურ ენაზე გასცნობოდა დიდ შექსპირს. ვ. მაჩაბელი საინტერესოა როგორც პიროვნებაც, ნაყოფიერი, მრავალფეროვანია მისი ცხოვრება, ამიტომ მეტად საჭიროა ერთად იყოს თავმოყრილი ამ საზოგადოებრივი მოღვაწის გარშემო არსებული მასალები.“

თამარაშენში ჟამთა სვლით, უყურადღებობითა



და უპატრონობით გაპარტახებულ ლამის ნასახ-  
ლარად ქცეული, მაგრამ მაინც დიდებული გემოვ-  
ნებით ნაგები ივ. მაჩაბლის სახლ-მუზეუმის მშენებ-  
ლობა-რესტავრაციის პრობლემაა წინწამოწეული  
იმავე წელს დაბეჭდილ გ. ოსიძის წერილში  
„ხელისშეწყობა მართებთ.“

„ბრძენს უთქვამს - ერის სიდიდე იმით განი-  
ზომება, - წერს იგი - თუ რამდენი გამოჩენილი  
მწერალი ჰყავსო. ადგილის უკვდავყოფელი, დიდი  
მამულიშვილია. ივ. მაჩაბლის სახელიც თამარაშენს  
უკავშირდება და მამასადაძე, არასოდეს წაიშლება  
ცხინვალზე მიბმული ამ პატარა სოფლის  
სახელიც.“ („ს.ო“ 1980 წ. 15-XI).

ამ პრობლემას ეხმაურება ცილა კახნიაშვილის  
წერილებიც: „მაჩაბლისეულ ფუძეზე“ და „მუზეუმმა  
თვალში გამოიხედა.“


ავტორი აღნიშნავს, რომ „ამ დღეებში დიდი  
სტუმრიანობა ჰქონდა სოფელ თამარაშენში ივანე  
მაჩაბლის სახლ-მუზეუმს. თითქმის ყველა მასზე  
მზრუნველმა მოიყარა აქ თავი. სრულიად სა-  
ქართველოს ივ. მაჩაბლის საზოგადოების თავმჯდო-  
მარემ, ფილოლოგიის მეცნიერებათა დოქტორმა,  
პროფესორმა გურამ შარაძემ, საქართველოს კულ-  
ტურისა და ძეგლთა დაცვის მთავარი სამმართველოს  
უფროსმა, პროფესორმა ირაკლი ციციშ-  
ვილმა, ძეგლთა დაცვისა და სარესტავრაციო  
საწარმოო გაერთიანების დირექტორმა ნოდარ  
კუჭავამ, პროფესორმა ვახტანგ ცინცაძემ და სხვ...

იმ დღით ერთ მამულიშვილურ საქმესაც ჩაეყარა საფუძველი მაჩაბლისეულ ფუძეზე. პროფესორ ირაკლი ციციშვილთან შეთანხმებით გადაწყდა, რომ ივ. მაჩაბლის საზოგადოების რეგიონალური გამგეობის წევრთაგან შეიქმნებოდა ძეგლთა დაცვის რესპუბლიკური მთავარი სამმართველოს შიდა ქართლის რეგიონალური სამშენებლო-სარესტავრაციო უბანი, რომელიც რეგიონში არსებული ძეგლების რესტავრაციას აწარმოებს.“

დასასრულ, ყურადღება გამახვილებულია მეორე დღეს, იმავე საკითხის ირგვლივ გამართული სხდომის შედეგებზე. („ს.ო.“ 1982 წ. №242; 1990 წ. №142)

გამოქვეყნებულია ფოტომასალა.

**P.S.** „ვ. მაჩაბლის შემოქმედების, მოღვაწეობის თაყვანისმცემლები სამართლიანად მოითხოვდნენ მის მშობლიურ სოფელ თამარაშენში გახსნილიყო სახლ-მუზეუმი. ზემდგომ ორგანოებში დადებითად გადაწყდა ეს საკითხი, საქართველოს მინისტრთა საბჭოს 1979 წლის 27 ივლისის განკარგულების საფუძველზე დაიწყო ივ. მაჩაბლის სახელობის შემოქმედებითი სახლ-მუზეუმის კომპლექსური რემონტი-რესტავრაცია. საქართველოს მწვერალთა კავშირის მხატვრული თარგმანების და ლიტერატურული ურთიერთობის მთავარი სარედაქციო კოლეგიის დაკვეთით რემონტ რესტავრაციას აწარმოებს საქ. სსრ კულტურის სამინისტროს ისტორიის, კულ-



39

ივ. მაჩაბლის სასკოლო-მუზეუმი აფეთქების შედეგად



ტურის და ბუნების ძეგლთა დაცვის და გამოყენების მთავარი სამეცნიერო საწარმოო სამმართველოს სპეციალური სამეცნიერო-სარესტავრაციო გაერთიანება...“ („ს.ო. 1980 №134).

კვითხულობთ ბატონი ვასილ საბანაძის იმედის მომცემ სტრიქონებს, როდესაც ფრთები შეესხა მრავალწლიან ოცნებას. ერის მოჭირნახულე მამულიშვილთა უდიდესი ძალისხმევის შედეგად შესაძლებელი გახდა ვანო მაჩაბლის სახლ-მუზეუმის გახსნა. მაგრამ ვაი, რომ ვერ მოვეფრთხილდით, ვერ შევინარჩუნეთ...

გასული 1887 წლის 23 ივლისს მოხდა შემზარავი ფაქტი. იგი ერთ-ერთ სამარცხვინო ფურცლად ჩაეკვრება საქართველოს ისტორიაში. ქართველი ხალხის მტრებმა შუალამისას ააფეთქეს სახლ-მუზეუმის შენობა. დასანანია, მაგრამ ფაქტია, რომ კვლავ არსებობენ ძალები, რომელთაც ხელს არ აძლევს ერთიანი, ძლიერი საქართველო და ყოველმხრივ ცდილობენ ხელი შეუშალონ ოსურ-ქართული კონფლიქტის მოწესრიგებას.



## მახაბლები და გორის თეატრალური ცხოვრება

ქართველი ერის არსებობის ზოგიერთი ეტაპი განახლებისა და ახალი მწვერვალების დაუფლების უზომო წყურვილით ხასიათდება და რასაკვირველია ეს პროცესი კულტურის სფეროსაც ითვალისწინებს. ამ თვალსაზრისით განსაკუთრებით საინტერესო ქართული თეატრალური ცხოვრების ისტორია, ჩამოყალიბებიდან უამრავ ათწლეულს ითვლის.

თბილისში 1879 წელს მუდმივი ქათული თეატრალური დასის შექმნას განსაკუთრებული აღფრთოვანებით შეხვდა გორელ სცენისმოყვარეთა წრე. იგი გაცილებით ადრე ჩამოყალიბდა და იტვირთა საპატიო მისია ხელოვნების-მსახურებისა. გორელმა სცენისმოყვარეებმა ინტენსიური თანამშრომლობა გააჩაღეს ახალ-შობილი მუდმივი დასის მსახიობებთან. მათთან ერთად აწყობდნენ წარმოდგენებს გორში, ცხინვალში, ხაშურში. მალე სახელიც გაითქვეს, მაგრამ უამრავი პრობლემის წინაშე აღმოჩნდნენ. მათ შორის კი უმთავრეს წინააღმდეგობას სცენის უქონლობა წარმოადგენდა.

ამ რთული ვითარების ფონზე მისათითე-

ბელია ის ფაქტიც, რომ ეს ყოველივე ხდება გორში, გორელები კი საკმაოდ გულისხმიერი და განათლებისაკენ მსწრაფი ხალხია. ნათქვამს მოწმობს თუნდაც ავთანდილ თუმანიშვილის ნაწყვეტი შრომიდან „აღწერილობა ქართული ქალაქის გორისა.“ (1816 წ. პეტერბურგი).

„ისინი (გორელები - ა.მ.) ცხოვრობენ ურთიერთთან თანხმობით და ერთსულოვნად; არიან შრომის მოყვარენი, მარდნი და მოხერხებულნი; ტყუილსა და გაუტანლობას მეტისმეტად გაურბიან; არიან შემწყნარებელნი - თვინიერ ფლიდობისა, ბედნიერნი - თვინიერ ქედმაღლობისა, უბედურნი - თვინიერ სასოწარკვეთილებისა, საზოგადოებაში - თავაზიანნი, მეგობართმოყვარენი, მზიარულნი, ბრძოლის ველზე - გულადნი, შემმართებელნი და შმაგნი; დაბოლოს, გაბედულნი და უშიშარნი. სიტყვამოსწრებულნი და ენამეტყველნი. გარნა ერთი რამ შეიძლება ჩავთვალოთ მანკიერებად - ბევრი ლაპარაკი უყვართ, თუმცა ამ შემთხვევაშიაც უგუნურს არას იტყვიან; სახეზე ოდნავ ამპარტავნობის იერი სდევთ; ტანით - დიდნი და მკვრივნი, სანახაობით დარბაისელნი და ახოვანნი...“

ასეთი დახასიათების შემდეგ სავსებით რეალურია, რომ ახლადფეხადგმულ გორელ დასს

მფარველად მოეკლინნენ ისეთი კეთილშობილი ადამიანები, როგორც იყვნენ ნ. დიასამიძე და ა. თუთაევი.

ნ. დიასამიძე – ქართული თეატრის მოამაგე და მეცენატი, გადმოცემით იგი თავისი საკუთარი ურმებით ეზიდებოდა ქვიშას და აგურის ნატეხებს ჭაობის ამოსაშრობად. ამ ადგილზე შემდეგ ა. თუთაევის დახმარებით, საკუთარი სახსრებით გამართა ე.წ. „როტონდა“, ადგილი სცენისათვის. მათ საკუთარი წვლილიც შექონდათ თეატრის რეპერტუარის გამრავალფეროვნების საქმეში, თანამშრომლობდნენ პრესაშიც. ნ. დიასამიძის ჭეშმარიტად კეთილშობილური სულის გამოვლინებაა ის ფაქტიც, რომ გარდაცვალების შემდეგ მთელი თავისი ქონება მან ქართველ საზოგადოებრიობას უანდერდა.

გაზეთ „თემის“ ფურცლებზე (1911 წ. №4) ს. მგალობლიშვილი წერდა: დაუფასებელი ღვაწლი დასდეს გორის სცენას ა. თუთაევი და ნ. დიასამიძემ, ასე რომ მომავალი მემკვიდრე ჩვენი თეატრის აღორძინებისა უყურადღებოდ არ დასტოვებს იმათ ღვაწლს. ეს ორნი ყველა საზოგადო ქართულ საქმეს ხელს უწყობდნენ.

განსაკუთრებით სასიამოვნოა ჩვენთვის, აღვნიშნოთ ნ. დიასამიძის მეგობრული ურთი-

ერთდამოკიდებულება ჩვენი მხარის ღირსეულ შვილთან, ვანო მაჩაბელთან, რომლის პორტრეტის შესაქმნელად დავითაშვილის მიერ სუფთა ქართულის მოტრფიალის მ. ჯავახიშვილისადმი ნათქვამი სიტყვებიც კმარა: „თუ გინდა მშვენიერი ქართული ისწავლო, წადი თამარაშენში ან ქურთაში, იქ ყველაზე საუკეთესოდ ლაპარაკობენ, გლეხებიც კი ლიტერატურულ ენას დაუფლებიან. სხვა არა იყოს რა, ვანო მაჩაბელი იქაა დაბადებული. შექსპირი მიუწვდომლად აქვს ნათარგმნი“.

(ქ. რჩეულიშვილი - „მ. ჯავახიშვილი და საქართველო“)

სწორედ ეს ჭეშმარიტი ერის შვილი და საზოგადო მოღვაწე ცდილობს დახმარება აღმოუჩინოს გორელ მეზობლებს.

ერთადერთი ადგილი, სადაც შეიძლებოდა წარმოდგენების გამართვა, ისევ როტონდა იყო, - წერს გ. ბუხნიკაშვილი წიგნში „გორის თეატრი“ (გვ.28), - მაგრამ ის ნახევრად დანგრეული აღმოჩნდა, ხოლო როტონდის ბალი უპატრონობისაგან ჭაობად იყო ქცეული. როტონდის შეკეთება ითავეს ა. თუთაევმა და ნ. დიასამიძემ. სოფრომ მგალობლიშვილი იგონებს: „... ა. თუთაევმა და ნ. დიასამიძემ იკისრეს გაკეთება თავის ხარჯითა. ამათ დაეხმარნენ



## სხვანიც.

ივანე მაჩაბელმა თხუთმეტი თუმანი გადასცა ამ სცენისათვის, ნ. დიასამიძე, რომელიც იმ დროს დიდი სახლის შენებას შეუდგა გორში, აძლევდა მუქთად ხის მასალას: ფიცრებს, ფოშტებს, წვრილ ფიცრებს, აგურს; დანარჩენი რაც დააკლდა, თუთაევმა თავის ჯიბიდან დახარჯა. სულ დაჯდა გადაკეთება, სცენის გამართვა, ორი საპირფარეშოს მოწყობა, ხის სკამების დადგმა ორმოცდაათ თუმნამდე. თუთაევს და დიასამიძეს დიდი შემწეობა აღმოუჩინა არტილერიის კაპიტანმა ნელიუბინმა. ეს ძალიან განვითარებული კაცი იყო, პატიოსანი, მეგობრობა ჰქონდა მაშინდელ ქართველ ინტელიგენციასთან. თითქმის სულ ჩვენთან იყო, იცოდა გვარიანად მხატვრობა, ამან თავისი ხარჯით დახატა ფარდა, მოაწყო კულისები.“

პირველი წარმოდგენა „სცენის მოყვარულთა საზოგადოებამ“ გამართა 1877 წლის 3 მარტს. ამ ფაქტს ფართოდ გამოეხმაურა მაშინდელი ქართული პრესა, კერძოდ გაზ. „დროება“ (1877, №27) წერდა: „რაც შეეხება თითონ თამაშობას, ისეთნაირად მოხერხდა, რომ მოსალოდნელიც არ იყო. ბევრი ნაწილი აქტიორებისა სრულეობით გამოუცდელნი იყვნენ თეატრის საქმეში, მაგრამ საქმე ისე გვარიანად წაიყვანეს, მეტად-

რე ქალებმა, რომ დახელოვნებულ მოთამაშეთ მიიღებდით...“

ქართული პერიოდიკა არც მომავალ წლებში აკლებდა მათ ყურადღებას და არაერთხელ გაუმხნევებია.

1909 წელს, როდესაც გორელმა საზოგადოებრიობამ ფართოდ აღნიშნა ნატო გაბუნიას იუბილე, გორში უკვე ფუნქციონირებდა ე.წ. „სახალხო თეატრი“, რომელიც ადგილობრივი რკინიგზის მუშა მოსამსახურეთა უდიდესი მონდომების ნაყოფი გახლდათ. რაოდენ სამწუხაროა, რომ თეატრმა ვერ გაუძლო შექმნილ რთულ პირობებს და მალე დაიხურა. თუმცა თავისი კვალი უდავოდ დატოვა გორის თეატრალური ცხოვრების ისტორიაში.

გვინდა ზემოთხსენებული თეატრის ცხოვრებიდან ერთი ფაქტი მოვიყვანოთ. ნატო გაბუნია - ცაგარელის საიუბილეოდ იქ წარმოადგინეს (1909 წ. 26/XII) ა. ცაგარელის პიესა „ხანუმა“, მასში თვით იუბილარმაც მიიღო მონაწილეობა, ხოლო შემდგომ გამართულ საიუბილეო საღამოზე მისალოცი სიტყვით გამოვიდა სამაჩაბლოს თეატრის დიდი ქომაგი და მოყვარული ზაალ მაჩაბელი. ზ. მაჩაბელმა მოიგონა გასული საუკუნის 70-იანი წლების მიწურული, როდესაც ერთად დაიწყეს მოღვა-

წეობა ახლადშექმნილ მუდმივ დასში და რასაკვირველია გორშიც ჩამოსულან წარმოდგენების გასამართად.

ამდენად, ფაქტების ინტერპრეტირება იძლევა მკაფიო წარმოდგენას იმის თაობაზე, რომ მაჩაბელთა უდიდესი გვარის ცნობილი თეატრალური მოღვაწენი და მათი სახით სრულიად საქართველო დაუზარებლად ზრუნავდნენ მეზობელი ქალაქის თეატრალური კულტურის განვითარება - ფრთაგაშლის საშვილიშვილო საქმეზე.

ეს კი, ცხადია წარსულში ღრმად ფესვგამდგარი მეგობრობის კიდევ ერთი ნათელი დადასტურებაა.



## შინაარსი

ივ. მაჩაბელი და ცხინვალის ქართული გაზეთი  
თეატრალური ცხოვრების შესახებ . . . . . 3

ივ. მაჩაბელი „საბჭოთა ოსეთის“  
ფურცლებზე . . . . . 15

მაჩაბლები და გორის თეატრი . . . . . 41



კორექტორები:

ც. თინიკაშვილი, ვ. ძღებრიშვილი

ფორმატი 70/91 1/3 თაბასი 3

ტირაჟი 500

ფასი სახელშეკრულებო

აიწუო და დაკაბადონდა „ქართლის“  
კომპიუტერულ ცენტრში.

98-387

ՀԱՅԱՍՏԱՆԻ  
ՆՈՒՆԱԳՐԱԴԱՐԱՆ